



# CUMÜN DA SCUOL

SCOULAS

ARDEZ, FTAN, SCUOL, SENT, TARASP

---

## Reglamaint da jokers

1. Ils dis da joker dessan gnir dovrats cun san inclet cun quai cha mincha assenza es ün disturbi da la gestiun da la scoula. I vain cusglià da far adöver da quists dis be schi fa propcha dabsögn, per chi s'haja lura amo a disposiziun similis dis i'l cas chi's stuves avair ün di liber. I s'inclegia da sai cha quists dis nu vegnan dovrats a la fin da l'on da scoula be per nu tils laschar scrodar.
2. Mincha scolara e scolar po retrar maximalmaing 3 dis da joker (= dis da congedi sainza stuvair motivar) infra 1 on da scoula.
3. Id es pussibel da retrar ün joker eir be per ün mez di ( $1/2$  di =  $1/2$  di da joker).
4. Per congedis da singulas lecziuns dūrant ün temp plü lung decida il mainascoula quants dis da joker chi ston gnir retrats.
5. La dumonda per retrar ün joker sto gnir fatta almain 4 dis avant a la magistra o al magister da classa cul formular uffizial chi po gnir retrat pro la persuna d'instrucziun da classa o sūlla pagina d'internet. Scha la dumonda vain fatta plü tard, faja dabsögn d'üna dumonda motivada al mainascoula. Quel decida lura, scha'l di da joker po gnir retrat o na.
6. Il scolar o la scolara sto far a savair si'absenza ouravant a tuot las persunas d'instrucziun pertoccas.
7. La scolara o il scolar es sves responsabel per elavurar quai ch'el o ella ha mancantà in scoula.
8. Visitas pro'l daintist/meidi chi dūran daplū co ün mez di vaglian sco ün mez di da joker.
9. Per congedis da sport, da cultura etc. esa da retrar il prüm ils dis da joker. Sch'ün scolar o üna scolara vess dabsögn, davo chi sun retrats tuot ils dis da joker, amo d'ulteriurs dis libers per quel adöver, sto'l o sto'la far üna dumonda in scrit al cussagl da scoula.
10. Per las sequintas datas das-chan gnir tut jokers be cul permiss dal mainascoula: Prüm di da scoula, Chalandamarz, ultim di da scoula. Ouravant faja dabsögn d'üna dumonda in scrit motivada.

11. Mincha scoula po declerar singuls dis cun arrandschamaints extraordinaris, eir a cuorta vista, sco dis da scoula chi suottastan a l'artichel 10 da quist reglamaint.

12. Per giarsunadis d'insaj, chi nu van a fixar illas vacanzas in settavla ed in ottavla classa, esa da dovrar il prüm ils jokers. Giarsunadis d'insaj in novavla classa, impustüt da quels ingio chi va pella piazza da giarsunadi, nu vaglian sco dis da joker. Dis da joker na dovrats scroudan pella fin da l'on da scoula.

13. Tenor artichel 96 da la ledscha da scoula chantunala pon genituors, chi nu tramettan lur uffant a scoula sainza motiv d'absenza o permiss da congedi, gnir chastiats cun üna multa da fr. 50.- fin fr. 5000.-.

Quist reglamaint rimplazza il reglamaint da jokers dals 6 avuost 2024 ed aintra in vigur pel cumanzamaint da l'on da scoula 2026-2027.

Scuol, ils 29 gën 2026

Pel cussagl da scoula:

  
Jan Sedlacek

President dal cussagl da scoula